

廬山開元寺僧法珍坐禪二十年頗有戒行一日定坐有一道人往謁問曰師謂坐禪可了道乎

此與南岳問馬祖意同

珍曰然道人曰

佛戒貪瞋淫殺為甚方其坐時自謂無此心矣及其遇景遇物不能自克則此種心紛飛莫禦道豈專在坐乎因與珍歷雲堂

見一僧方酣睡謂珍曰吾偕子少坐於此試觀此僧

曩見悟真篇未載此

事曰見一僧方入定坐珍曰此僧平素善入定呂曰我等且坐此試看

坐未幾見僧頂門出一小

蛇長三寸餘緣床左足至地遇涕唾食之復循溺器飲出軒外度小溝繞花臺若駐翫狀復欲度一小溝以水溢而返道人當其來徑以小刀插地蛇見之畏縮尋別徑至牀右足循僧頂而入睡僧遽驚覺問訊曰吾適一夢與二子言之初夢從左門出

### 道藏輯要

聖蹟紀要

七

壁集五

逢齋供甚精食之又逢美酒飲之因褰裳渡門外小江逢美女數十恣觀之復欲渡一小江水驟漲不能往逢一賊欲見殺走從捷徑至右門而入遂覺道人與珍大笑出謂珍曰以床足為門以涕唾為供以溺為醢以溝為江以花木為美女以刀為賊人之夢寐幻妄如此珍曰為蛇者何道人曰此僧性毒多瞋熏染變化已成蛇相

此意惡也意惡隱而不現謂之陰惡故多變蛇蝎之類陽惡屬身業易見多變虎豹之類

他日瞑目即受生於蛇中矣可不懼哉吾呂公也見子精忱可

以學道故來教子珍遂隨之而往不知所終

此段事極好提醒迷人一云帝君後

### 遺墨成金

授以丹訣令潛修於青牛谷昔洪志乘青牛冲舉于此道成當來引汝

袁州開元寺浴室有大井泉水甘冽呂帝愛之留連旬日因與寺僧款密僧朴野待之盡敬不知其爲呂帝也臨行以墨二笏贈僧藏之篋笥不復省一日李大臨轉漕江西行部至袁尋僧問曰呂先生嘗贈汝金乎僧恍然曰我不識呂先生但前有道人到此贈我墨耳初無金也出墨示大臨則墨卽金矣大臨摩挲駭異欲以他金易之僧弗受但以一笏轉贈之且問運使何自知此李曰昨過零陵縣見何仙姑問呂公動履何日近呂過此自言久客宜春與開元浴室僧相善喜其有仙風道骨以金遺之吾聞此語故來驗焉旬日呂帝復來問僧墨何在僧具以告呂笑曰此女饒舌遂與僧攜手出門去不知所之一云帝君友也遂授僧禪定之理後亦度世

### 大雲會食

呂帝托爲回處士遊大雲寺隨堂會食月餘謂寺僧曰僧饌甚精但少麪耳遂去旬日攜少許麪至自炮設數百僧皆飽足僧請處士啜茗舉丁晉公詩曰花隨僧飭破雲逐客甌圓處士曰句雖佳未盡茶之理乃書詩曰玉藥一鎗稱絕品僧家造法極工夫兔毛甌淺香雲白蝦眼湯翻細浪俱斷送睡魔離几席增添清氣入肌膚幽叢自落溪岩外不肯移根入上都以丹一粒遣僧曰服此可不死後僧亦仙去

### 道藏輯要

聖蹟紀要

六

壁集五  
X261